

## SAOPŠTENJE ZA MEDIJE

Banja Luka, 14.06.2024. godine

Advokati u Republici Srpskoj i Federaciji Bosne i Hercegovine su svjedoci činjenice da advokatura u Bosni i Hercegovini sve više biva potisnuta na margine društva, iako pravosudni sistem Bosne i Hercegovine ne može da funkcioniše bez te djelatnosti.

Dopisom Suda Bosne i Hercegovine od 30.5.2024. godine Advokatska komora Republike Srpske i Advokatska/Odvjetnička komora Federacije Bosne i Hercegovine obaviještene su o nedostatku raspoloživih sredstava na poziciji troškova za braniocima po službenoj dužnosti pred tim Sudom.

Prethodno, u periodu od skoro godinu dana obje advokatske komore su preko svojih predstavnika vodile intezivne pregovore sa predstavnicima entitetskih ministarstava pravde, kao i sa ministrom pravde Bosne i Hercegovine u pravcu jačanja advokature i poboljšanja statusa advokata, donošenjem novih Tarifa kojima se vrednuje rad advokata.

Od obećanja da će se zahtjevi advokatskih komora uvažiti u razumnom roku došli smo u situaciju da nakon gotovo godinu dana od početka tih pregovora, sada nema sredstava za isplatu naknada braniocima po službenim dužnostima pred Sudom Bosne i Hercegovine u predmetima ratnih zločina.

Ignorantski stav nadležnih institucija prema nastalom problemu samo doprinosi jačanju nepovjerenja građana Bosne i Hercegovine u pravosudni sistem zbog njegove tromosti, a poraznom se ocjenjuje i činjenica da se i u drugim krivičnim postupcima pred nadležnim sudovima kasni sa isplatama naknada braniocima.

Također, suočeni smo i sa novim udarima na advokaturu nastojanjima da se iz članstva Visokog sudskog i tužilačkog savjeta Bosne i Hercegovine eliminišu predstavnici advokature koji su do sada bili predstavnici svojih Komora, a u bliskoj prošlosti advokati su se morali boriti da budu uključeni u najznačajnije procese reformi zakonodavstva iz krivične i građanske oblasti, iako bi bilo potpuno prirodno da advokatura u tim procesima ima jedno od dominantnijih uloga.

Advokatima u Republici Srpskoj su odavno oduzeta mnoga ovlaštenja, posebno iz segmenta nadležnosti sastavljanja pravnih poslova o prometu nepokretnosti.

Zbog nastale situacije, obje advokatske komore će u narednom periodu razmotriti načine preduzimanja radikalnijih mjera, i u tom smislu svakako mjeru obustave rada u segmentu odbrana po službenim dužnostima.



Dalibor Mrša

Predsjednik

Advokatske komore Republike Srpske

Bekir Gavrankapetanović

Predsjednik

Advokatske/Odvjetničke komore FBiH